



ՀԱՍՏԱՏՈՒՄ ԵՄ՝

Շրջակա միջավայրի նախարար  
Հակոբ Սիմիդյան

«03» 11 2023թ.

## ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

### ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0197-23

Ձեռնարկողը՝

«ՅՈՒՆԻՓՈՒԼ» ՍՊԸ

ք. Երևան, Քոչարյան 6, բն.7

Գործունեությունը՝

**Երևան քաղաքի Թբիլիսյան խճուղի 21/5 հասցեում  
հասարակական նշանակության շինության  
կառուցման շրջակա միջավայրի վրա ազդեցության  
նախնական գնահատման հայտ**

ՀՀ, ք. Երևան

«Շրջակա միջավայրի վրա ազդեցության  
փորձաքննական կենտրոն» ՊՈԱԿ-ի  
տնօրենի պարտականությունները կատարող՝



Հերիքնազ Մկրտչյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ  
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0197-23

«03» September 2023թ.

Երևան քաղաքի, Թբիլիսյան խճուղի 21/5 հասցեում հասարակական նշանակության  
շինության կառուցման շրջակա միջավայրի վրա ազդեցության նախնական գնահատման  
հայտ

|                   |                                                             |
|-------------------|-------------------------------------------------------------|
| Ձեռնարկող՝        | «ՅՈՒՆԻՓՈԻԼ» ՍՊԸ                                             |
| Փաստաթղթի տեսակը՝ | Շրջակա միջավայրի վրա ազդեցության<br>նախնական գնահատման հայտ |
| Գործունեությունը՝ | «Բ» կատեգորիա                                               |
| Տեղադրման վայրը՝  | ք.Երևան, Արաբկիր վարչական շրջան                             |

**Ներածական մաս.** «ՅՈՒՆԻՓՈԻԼ» ՍՊ ընկերությունը /այսուհետ՝ Ընկերություն/  
նախատեսում է Երևան քաղաքի Թբիլիսյան խճուղի 21/5 հասցեում կառուցել հասարակական  
նշանակության շինություն:

«Շրջակա միջավայրի վրա ազդեցության գնահատման և փորձաքննության մասին» ՀՀ  
օրենքի (ՀՕ-150-Ն 03.05.2023) 12-րդ հոդվածի 4-րդ մասի 8-րդ կետի «ա.» ենթակետի համաձայն՝  
ներկայացված գործունեությունը դասակարգվում է «Բ» կատեգորիայի գործունեության  
տեսակների ցանկում:

Նախատեսվող գործունեության անշարժ գույքի նկատմամբ իրավունքի պետական  
գրանցման վկայականը՝ №08122021-01-0367, /ծածկագիրը՝ 01-003-0404-0164/, Երևանի  
քաղաքապետարանի կողմից 03.08.2022թ. տրված №01/18-07/1-Դ-27494-686 նախագծման  
թույլտվությունը /ճարտարապետահատակագծային առաջադրանք/: Հողամասի նպատակային  
նշանակությունը՝ բնակավայրերի, գործառնական նշանակությունը կամ հողատեսքը՝ խառը  
կառուցապատման, գրանցված իրավունքի տեսակը՝ սեփականություն:

**Նկարագրական մաս.** Գործունեության նպատակն է կառուցել ժամակակից  
հասարակական նշանակության շինություն՝ 1 ստորգետնյա և 3 վերգետնյա հարկերով,  
գրասենյակային և պահեստային տարածքներ: Նախագծվող շենքը գտնվում է Երևան քաղաքի  
Թբիլիսյան խճուղի 21/5 հասցեում: Հողատարածքը գտնվում է հասարակական շենքերի, ազատ  
տարածքների, շինությունների և ճանապարհի հարևանությամբ:

Հողատարածքի ընդհանուր մակերեսը՝ 2660.46 մ<sup>2</sup>:

Կանաչապատման մակերես՝ 534.7 մ<sup>2</sup> / 20.1 %:

Նկուղային հարկի կառուցապատման մակերեսը՝ -2.85 նիշում 1553.5 մ<sup>2</sup>:

Առաջին հարկի կառուցապատման մակերեսը՝ +0.90 նիշում 1601.0 մ<sup>2</sup> / 60.17 %:

Երկրորդ հարկի կառուցապատման մակերեսը՝ +5.70 նիշում 744.7 մ<sup>2</sup>:

Երրորդ հարկի կառուցապատման մակերեսը՝ +9.30 նիշում 740.3 մ<sup>2</sup>:

Անջրանցիկ հատվածի մակերեսը՝ 524.76մ<sup>2</sup> / 19.73 %:

Հասարակական նշանակության շինության տարածքն ունի թեք ռելիեֆ, անբարենկարգ է, առկա  
է բազմամյա խոտի տեսքով աճած խառը բուսականություն: Հասարակական նշանակության  
շինության կառուցումը ենթադրում է նաև հողային աշխատանքների իրականացում Երևանի





բետոնե հիմքերի տեղադրման համար կատարվելու է մոտ 2.600մ<sup>3</sup> ընդհանուր ծավալով հողային զանգվածի հանույթ: Հանվող հողային զանգվածի մի մասը՝ 1.150մ<sup>3</sup>, կարճաժամկետ պահվելու շինարարական հրապարակում և օգտագործվելու է որպես հետլիցք: Մնացած հանույթն օգտագործվելու է տարածքի հարթեցման նպատակով և ավելցուկային գրունտ չի առաջանալու:

Համաձայն հայտի՝ տարածքում բնության հատուկ պահպանվող կամ պատմամշակութային հուշարձաններ չկան: Նախնական ուսումնասիրությունների և գրականական տվյալների նույնականացման արդյունքում պարզվել է, որ բուն նախատեսվող գործունեության իրականացման տարածքում ՀՀ Կարմիր գրքերում գրանցված բույսեր և կենդանիներ չկան:

Օբյեկտի ընդհանուր շինարարության նորմատիվ տևողությունը ծրագրվում է 2 տարի:

Հաշվի առնելով շինարարական անվտանգության պահանջները և կառույցի տեխնոլոգիական առանձնահատկությունները՝ կառուցման աշխատանքները նախատեսվում է կատարել երկու փուլով: Առաջին փուլում նախատեսվում է կատարել գոյություն ունեցող քանդման ենթակա շինությունների կոնստրուկցիաների և հիմքերի ամբողջական ապամոնտաժման, , իսկ երկրորդ փուլում՝ շինության կառուցման աշխատանքները: Շինարարական հրապարակը, ներառյալ շինանյութերի ժամանակավոր պահեստավորումը, թափոնների կուտակման վայրերը կազմակերպվելու են բացառապես համալիրի վարչական տարածքի սահմաններում: Շինարարական աշխատանքների ընթացքում առաջացող 125 մ<sup>3</sup> հողի բերրի շերտը կուտակվելու է տարածքում՝ պահպանելու նպատակով՝ Կառավարության 2017թ նոյեմբերի 2-ի N<sup>1</sup>404 որոշման համաձայն: Հողածածկին պատճառված վնասները նվազագույնին հասցնելու նպատակով նախատեսված է իրականացնել հետևյալ միջոցառումները.

-շինարարության ընթացքում տարածքի բուսահողը հանվելու և կույտավորվելու է պաշտպանված վայրերում, հետագայում գտագործվելու է տեղանքի կանաչապատման համար,

-ապահովելու են անհրաժեշտ պայմաններ, որպեսզի հանված բուսահողը չխառնվի գրունտի հետ և չաղտոտվի,

-ջրային և հողմնային հողատարումից զերծ պահելու համար պահեստավորված հողաթմբերը ծածկվելու են խոտաբույսերով կամ իրականացվելու են այլ միջոցառումներ՝ հողաթմբերի ամրացում, ծածկում և այլն: Բուսահողի պահեստավորման համար ընտրվելու է շինարարական հրապարակից դուրս տեղակայված վայր:

Հասարակական նշանակության շինության ջրամատակարարումն ու ջրահեռացումը իրականացվելու են համաձայն տեխնիկական պայմանի՝ միանալով «Վեոլիա Ջուր» ՓԲԸ ցանցին: Ջրամատակարարումը կիրականացվի Թբիլիսյան խճուղով անցնող D=600մմ ջրագծից, ջրահեռացումը՝ Թբիլիսյան խճուղով անցնող D=800մմ կոյուղատարով, հեղեղատարը՝ Թբիլիսյան խճուղով անցնող D=500մմ կոյուղագծով՝ համաձայն տեխնիկական պայմանի:

Շինարարության ընթացքում բնառեսուրսներից օգտագործվելու է ջուր՝ աշխատանքային հարթակի ջրցանի, հանված գրունտի և ստացվող ավազի ու խճի խոնավացման համար՝ 382 մ<sup>3</sup>/շին. ժամ, աշխատողների խմելու և կենցաղային նպատակներով ջրածախսը կկազմի 4490 մ<sup>3</sup>/շին. ժամ:

Աշխատանքների ավարտից հետո մաքրվելու են բոլոր տարածքները և առաջացած թափոնները տեղափոխվելու են ինքնակառավարման մարմնի կողմից հատկացված աղբավայր: Կանաչապատումն իրականացվելու է համաձայն բարեկարգման, արդիականացման և կանաչապատման նախագծի: Կանաչապատման համար նախատեսված 534,7 մ<sup>2</sup> տարածքում իրականացվելու են կանաչապատման աշխատանքներ՝ սիզամարգի ցանքսի տեսքով, և ծառատունկ: Կանաչապատման համար օգտագործվելու են թույա /7տնկի/, գնդաձև ակացիա /9 տնկի/ և այլ ծառատեսակներ, ինչպես նաև ծաղկասածիլներ և խոտի սերմ:

Համալիրի էներգաարդյունավետությունը նախատեսվում է համապատասխանեցնել Կառավարության 2018թ ապրիլի 12-ի N426-Ն որոշմամբ սահմանված չափորոշիչներին, ինչի ուղղությամբ իրականացվելու են համալիր միջոցառումներ, որոնց թվում են էրեսպատման





համակարգը, բարձր էներգաարդյունավետությամբ պատուհաններ և վիտրաժներ, տանիքի և ստորգետնյա հարկի ջերմամեկուսացում: Ջերմության խնայողության համար ընտրված են ջերմաօգտահանիչներով օդի ներածման համակարգեր, որոնք ապահովում են ջերմության բարձր խնայողություն, իսկ գրասենյակային և պահեստային տարածքներում նախագծված են մեխանիկական դրդմամբ ներածման և արտածման օդափոխության համակարգեր: Ներածման և արտածման համակարգերի սարքավորումները տեղադրվելու են հարկերի առաստաղների տակ: Ավտոհանգրվաններում նախագծված են մեխանիկական դրդմամբ արտածման և ներածման օդափոխության համակարգեր: Յուրաքանչյուր մեքենայի համար արտածվող օդաքանակը հաշվարկված է ըստ նրա հզորության: Օդի արտածումը կատարվում է վերին և ներքին գոտիներից հավասարաբաշխ: Ավտոհանգրվանից և նկուղային հարկի պահեստներից իրականացվելու է ծխահեռացում: Հրդեհի ժամանակ ավտոկայանատեղիի վերելակների հորանի և աստիճանավանդակի նախասրահներում նախատեսված են դիմհարման համակարգեր:

Նախատեսվող գործունեության արդյունքում օդային ավազանը աղտոտումից պահպանելու համար նախատեսված են հետևյալ աշխատանքները.

- շինարարական աշխատանքների ընթացքում անհրաժեշտ է իրականացնել ջրցան, պարբերաբար ստուգել շինարարական տեխնիկայի և փոխադրամիջոցների տեխնիկական վիճակը և իրականացնել կարգավորում,

- շինարարական նյութերի (հատկապես սորուն շինարարական նյութերի դեպքում, ինչպիսիք են ավազը, խիճը, հողը և այլն) տեղափոխումը պետք է իրականացվի փակ ծածկով մեքենաներով,

- սորուն նյութերի պահեստները ծածկել համապատասխան բարձրությամբ թաղանթով, ինչը կանխարգելի փոշու տարածումը:

Ջրային ռեսուրսների արդյունավետ օգտագործման նպատակով նախատեսվել են հետևյալ միջոցառումները.

- ջրցանի ծավալները հաշվարկվելու են այնպես, որ չառաջանան մակերևութային հոսքեր և ջուրը բավականացնի միայն փոշենստեցման համար: Անձրևների ժամանակ առաջացող շինարարական հոսքաջրերը կուղղորդվեն պարզարան, որը գտնվում է յուրաքանչյուր շինարարական հրապարակին կից և իրենից ներկայացնում է պլաստմասե 25մ<sup>3</sup> ծավալով տարողություն: Պարզարանում տեղի է ունենում մեխանիկական նստեցում, պարզեցված ջուրը կօգտագործվի տարածքի ջրցանման համար, իսկ փոքր քանակներով նստվածքը կհեռացվի որպես շինարարական աղբ:

Հողային ռեսուրսների պահպանության համար նախատեսվում է շինարարական նյութերը տեղադրել բետոնապատ մակերեսի վրա: Շինարարական գործընթացներում ներգրավել ժամանակակից տեխնիկական միջոցներ, իսկ տեխնիկայից նավթանյութերի արտահոսքի հավանականությունը նվազեցնելու նպատակով ապահովել սարքավորումների և մեքենաների պատշաճ տեխնիկական վիճակ:

**Նախատեսված է շրջակա միջավայրի վրա հնարավոր բացասական ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝**

- Մթնոլորտային օդ արտանետումների (փոշի, CO, NOx) որակական և քանակական պարամետրերի պարբերական չափումներ՝ երեք ամիսը մեկ հաճախականությամբ:

- Փոշենստեցման նպատակով նախատեսվում է իրականացնել տարածքի ջրցանում տարվա շոգ և չոր եղանակներին՝ օրական 2-3 անգամ:

- Օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ երեք ամիսը մեկ հաճախականությամբ:

- Աղմուկի և թրթռումների մշտադիտարկումներ՝ երեք ամիսը մեկ հաճախականությամբ:





-Շինարարության ընթացքում հատված 5 ծառերի փոխարեն կտնկվեն 16 ծառեր: Կանաչապատման աշխատանքներ իրականացնող կազմակերպությունը պետք է հետևողական լինի տնկված ծառերի աճի և խնամքի համար:

Ամբողջ շինարարության ընթացքում բնապահպանական միջոցառումների համար նախատեսվում է 4.000.000 ՀՀ դրամ:

**Պարճառաքանական մաս.** Նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Երևանի Արաբկիր վարչական շրջանի ղեկավարի նստավայրի վարչական շենքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Հայտի վերաբերյալ փորձաքննական գործընթացում ստացվել են կարծիքներ՝ առողջապահության, ներքին գործերի, կրթության, գիտության, մշակույթի և սպորտի նախարարություններից, քաղաքաշինության կոմիտեից, ինչպես նաև շրջակա միջավայրի նախարարության ստորաբաժանումներից: Ստացված դիտողությունները և առաջարկությունները հաշվի են առնվել հայտի լրամշակումներում:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

### Փորձաքննական պահանջներ

1. Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում նախատեսել լրացուցիչ միջոցառումներ՝ ուղղված բնապահպանական և շինարարական նորմերի պահպանմանը:
2. Անհրաժեշտ է ապահովել հայտում ամրագրված կանաչապատման աշխատանքների իրականացումը և խնամքը՝ համաձայնեցնելով Երևանի քաղաքապետարանի հետ:
3. Շինարարության ընթացքում որպես պարտադիր պահանջներ, անհրաժեշտ է՝
  - շինհրապարակի տարածքում անցկացնել լուսավորություն և տեղադրել արգելափակիչ նշաններ,
  - շինությունները ծածկել համապատասխան բարձրությամբ փոշու տարածումը կանխող ցանցով,
  - շինհրապարակից դուրս եկող մեքենաների անվադողերը լվանալ,
  - բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:
4. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:
5. Մինչև նախատեսվող գործունեության իրականացումն անհրաժեշտ է ստանալ բնակելի համալիրի գազամատակարարման և էլեկտրամատակարարման տեխնիկական պայմանագրերը:
6. Նախագծի վերջնական տարբերակում և շինարարական աշխատանքների ընթացքում հաշվի առնել «Վեոլիա Ջուր» ՓԲԸ-ի կողմից տրված տեխնիկական պայմանագրերը:



7. Համաձայն ՀՀ կառավարության 2014 թվականի հուլիսի 31-ի «Հայաստանի Հանրապետության բուսական աշխարհի օբյեկտների պահպանության և բնական պայմաններում վերարտադրության նպատակով դրանց օգտագործման կարգը սահմանելու մասին» որոշման՝ աշխատանքների կատարման ժամանակ ՀՀ կարմիր գրքում գրանցված բուսատեսակների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:
8. Նախագծի վերջնական տարբերակում հաշվի առնել Կառավարության 2018թ. ապրիլի 12-ի N426-Ն՝ «Նոր կառուցվող բնակելի բազմաբնակարան շենքերում, ինչպես նաև պետական միջոցների հաշվին կառուցվող (վերակառուցվող, նորոգվող) օբյեկտներում էներգախնայողության և էներգաարդյունավետության տեխնիկական կանոնակարգը սահմանելու մասին» որոշման պահանջները:
9. Հասարակական շենքի կառուցման ընթացքում անհրաժեշտ է պահպանել ՀՀ առողջապահության նախարարի 2012 թվականի սեպտեմբերի 19-ի N 15-Ն հրամանով հաստատված «Կազմակերպություններում աշխատողների սանիտարակենցաղային սենքերի» N 2.2.8-003-12 սանիտարական կանոնների և նորմերի պահանջները: Կառուցման ընթացքում անհրաժեշտ է նաև պահպանել ՀՀ քաղաքաշինության նախարարի 2008 թվականի հունվարի 14-ի N 11-Ն հրամանով հաստատված ՀՀՇՆ I-3.01.01-2008 «Շինարարական արտադրության կազմակերպման աշխատանքների կատարում» շինարարական նորմերի պահանջները:

#### ԵԶՐԱՓԱԿԻՉ ՄԱՍ

«ՅՈՒՆԻՓՈԻԼ» ՍՊԸ-ի կողմից ներկայացված՝ Երևան քաղաքի Թբիլիսյան խճուղի 21/5 հասցեում հասարակական նշանակության շինության կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջին կարգի մասնագետ՝



Աննա Սարգսյան